



KOOPERASAUN ENTRE UPF-PNTL HO TNI HODI MINIMIZA MOVIMENTU ILEGAL

(Estudu kazu iha Fronteira Batugade Timor-Leste ho Indonézia)

¹.Bernabe De Lima Araujo.Lic.CSH.,MAP ² Domingos Da Costa Barreto

ABSTRATU

Obra Sientífiku ida ne'e ho Título "KOOPERASAUN ENTRE UPF-PNTL HO TNI HODI MINIMIZA MOVIMENTU ILEGAL" ita ema moris sempre hala,o servisu hamutuk iha aspetu oin-oin, servisu hamutuk liu husi ema individu ka grupu , instituisaun, organizaun ka Governu atu atinji objetivu ne'ebe maka hanesan, ida neemak hanaran kooperasaun, Servisu hamutuk entre nasaun rua ne'e iha kedan UNTAET nia tempu halo konkordansia atu asegura fronteira no harii joint border committee (JBC) ne'ebé iha tempu ne'eba Timor-Leste sei representa husi UNTAET, lora 14-setembru-2000 iha Bali/Indonezia, objetivu harii jbc atu kulia problema no hadiak fronteira. Akordu neebe assina hala,o servisu husi UNMISSET too mandatu ramata iha 2005 tamba ho kapasidade personal seguransa fronteira Timor-Leste ne'ebé aumenta.

Bazeia ba mandatu husi IV Governu Konstitusionál Dekretu-Lei nu.9/2009, lora 18 fulan Feveiru kona-ba Lei Organika Polisia Nasionál Timor-Leste Artigu 33 kona-ba Unidade Patrullamentu Fronteira. Aliña 1. Unidade Patrullamentu Fronteira iha kapasidade hodi hala,o vijilansia ba fronteira no kontrola ema no sasan, no iha koordinasaun no kooperasaun ho parte interesada sira seluk. Oinsa atu asegura area fronteira liu husi dalan kooperasaun bilateral entre Estadu rua RDTL-RI? ho objetivu ne'ebé maka hanesan atu buka hatene, importansia husi servisu hamutuk UPF-PNTL ho TNI hodi minimiza movimentu ilegal.

Teoria ne'ebé maka uza hodi haforsa Obra Sientífiku ida ne'e peskizadór uza teoria hanesan teoria kooperasaun internasionál, teoria polisiamentu, teoria movimentu populasaun, teori kultura, teoria ekonomia, teoria komunikasaun. Metodu Peskiza ne'ebé maka peskizadór uza metodu kualitativu deskriptivu **Sugiyono (2011:225)** hateten nune'e Tékniku halibur dadu ho sientífiku ba peskizadór maka hanesan observasaun, entrevista, dokumentasaun. Tékniku análiza dadu iha fatin peskiza tuir **Milles ho Huberman** iha livru **Sugiyono (2011;246-252)** dehan nune'e Análiza dadu kualitativu halo interativu no direktamente liu husi prosesu maka hanesan Halibur dadu (*data collection*) Redusaun dadu (*data reduction*), Apresentasaun dadu (*display data*), no konkluzoan ka verifikasaun dadu (*data conclusion and verification*).

Rezultadu husi peskiza ida ne'e hatudu katak UPF-PNTL halo kooperasaun ho parseiru servisu atu asegura liña fronteira no garante sidadaun sira nia seguransa, hodi kontrola movimentu tama no sai iha teritoriu nasional, fahe imformasaun ba comunidade sira, kolaborasaun servisu ho parseiru sira iha fronteira.

Konkluzoan husi rezultadu peskiza ne'e hatudu katak servisu hamutuk ne'ebé UPF-PNTL hala,o ho parseiru sira la,o di'ak maske sei menus ba rekursu humanu no ekipamentu sira

Liafuan xave asegura fronteira, kontrola movimentu, kolabora servisu

PARTE I: LIAN DAHULUK

1.1 Antecedente

Timor-Leste restaura nia Independénsia iha loron 20 Maiu 2002 nune'e ofisiálmente nu'udar nasaun soberanu ida iha Mundu, Geografikamente lokaliza iha Rejiaun Sudeste Aziatiku, iha Illa Timor nia parte leste ho naran Repúblika Demókratika Timor-Leste (RDTL) no hatuur iha konstituisaun (K-RDTL) Artigu 1, aliña 1; deklara ba mundu internasionál katak Timor-Leste legalmente Independénsia nu'udar Nasaun Soberania, no Artigu 8, Aliña 4 servisu hamutuk ka hala'o kooperasaun ho Nasaun sira seluk iha Mundu.

Maske Timor-Leste hetan Independénsia no husik ona Indonézia maibe sei hala'o nafatin servisu hamutuk ka kooperasaun bilaterál ho Indonézia hodi fó apoiu ba malu liu husi area oi-oin hanesan ekonomía, sosiál, kultura, edukasaun, polítika no seguransa, Relasiona ho topikuna kona-ba servisu hamutuk iha area seguransa nian iha fronteira entre Repúblika Demókratika Timor-Leste ho Repúblika Indonézia, hahu kedan iha UNTAET

nia tempu halo konkordansia atu asegura fronteira hodi harii Joint Border Committee (JBC), Akordu ne'e assina loron 14-setembru-2000 iha Bali/Indonezia, objetivu atu kulia problema no hadiak fronteira. Hala'o servisu husi UNMISSET too mandatu ramata iha 2005, tamba ho kapasidade membru seguransa fronteira Timor-Leste ne'ebé aumenta, hodi kontinua halao kordenasaun no servisu hamutuk fó seguransa ba fronteira RDTL-RI maka Policia Nasional Timor-leste harii nia Unidade Patrulhamento Fronteira (UPF) iha 30-setembru-2003 hodi hala'o servisu iha fronteira hasoru ba parseiru servisu husi Indonézia maka *satuan Tugas Pengamanan perbatasan* (Satgas Pamantas) TNI hodi halo koordinasaun no kooperasaun servisu iha liña fronteira.

Polisia Nasional Timor-Leste hanesan forsa seguransa ida ne'ebé iha misaun atu defende legalidade demokratiku, garante seguransa sidadaun no bens no proteje direitu sidadaun nian tuir termu ne'ebé estabelese iha Konstituisaun Art. 147,

Baze legál mandatu ba UPF-PNTL ne'e foti husi IV Governu Konstitusionál nia Dekretu-Lei nú.9/2009, loron-18 fulan Feveireiru kona-ba Lei Organika Polisia Nasionál Timor-Leste Artigu 33. Kona-ba Unidade Patrulhamento Fronteira iha kapasidade hodi hala,o vijilansia ba fronteira no kontrola ema no sasan, no iha koordinasaun no kooperasaun ho parte interesada sira seluk.

Servisu hamutuk ne'ebé UPF-PNTL ho TNI hala,o durante tinan naruk nia laran maka koordinasaun servisu ba malu hala,o patrulla hamutuk hodi asegura fronteira pasarevista ba pilar no kuadru avizu sira ne'ebé destaka iha liña fronteira kontrola hodi prevene atu sidadaun sira labele hakat tama no sai ilegal liu husi fronteira, patrulla hamutuk; foti husi media, Pos-Kupang.com Atambua,.24 April 2018, hakerek nain Teni Jenahas katak *Satuan tugas perbatasan yonit 743/PSY* postu TNI mota-ain hamutuk ho Polisia Unidade Patrulhamento Fronteira hala,o operasaun konjuntu ka patrulla hamutuk hodi monitór situasaun iha liña fronteira.

Oinsa atu asegura area fronteira liu husi dalan kooperasaun bilaterál

entre Estadu rua. Depois de pandemia globál UPF ho TNI haforsa relasaun harmonia iha liña fronteira,, hakerek nain Francisco Belo simoes, husi media hatutan.com 27-maiu-2022; *Unidade Patrulhamento de Fronteira(UPF) ho Tentara Nasional Indonesia (TNI)* husi Batalyon Infantri 743/PSY kontinua haforsa relasaun komunikasaun no relasaun harmonia iha liña Fronteira Repúblika Demokratika Timor Leste ho Repúblika Indonézia, maka Komandante UPF Superintendente Euclides Belo hamutuk ho Komandante Batalyon Infantri 743/PSY TNI Letkol Inf andi Lulianto, iha tersa feira 24-maiu-2022 diriji direita hala,o patrulla hamutuk iha Fronteira entre Mota-ain-Badut-mean Batugade Munisipiu Bobonaro, hodi garantia siguransa iha fronteira nomós atu minimiza movimentu ilegal ne'e importante tebes atu labele fó impaktu negativu ba Estadu Rai rua.

Komunidade ne'ebé mak hela besik iha fronteira Timor-Leste ho Indonézia, prinsipálmente comunidade mai husi suku, kultura, lian, ne'ebé maka hanesan, entretantu sidadaun Indonézia nian uma adat iha Timor-

Leste nomós sidadaun Timor-Leste balu nia uma adat iha Indonézia, hare husi administrasaun sira ne'e Nasaun ketak, maibe sira sei familia hela. Unidade patrulhamento Fronteira presija halo sosializasaun ba comunidade sira atu bam ai tenki uza dokumentu legal hanesan Pasaporte ka Borderpass, maibe Borderpass agora sei paradu hela, hodi hamenus kazu tama no sai ilegal hanesan ba lia, halo kultura simu sasan ba malu, kazu boot liu maka ba sae sintu maibe ida nee iha tinan 2021 ba kotuk no agora menus tamba reativa fali ona, maibe kazu hatama no hasai sasan sei iha maske ho volume ne'ebé maka kiik tamba Estadu loke tan postu foun barak atu minimiza movimentu ba mai liu husi dalan kiik sira tuir natureza fronteira maka mota, motakiikoan, ai-laran no lutu toos nian ho nune'e maka fasil los ba comunidade sira atu halo movimentu. Tamba situasaun no kondisaun kominidade nia ekonomía uma laran

maka obriga, satan ho ekipamentus sira ne'ebé UPF iha sei

1.3 Formulasau Problema.

Bazeia ba indentifikasau problema iha leten, hakerek nain atu hato'o deit

menus atu halo kontrola ba movimentu populasaun nian iha fronteira hanesan transporte, komunikasau, ho nune'e Polisia UPF tenki servisu maka'as ho parseiru sira hodi minimiza no prevene atividade kontra bandu iha liña fronteira.

1.2 Identifikasau Problema.

Relasiona ho antesedente iha leten ne'ebé hakerek nain dezemvolve husi dedutivu ba indutivu, husi ne'e maka hakerek nain hakarak halo identifikasau ba problema hirak ne'ebé mai husi antesedente maka hanesan tuir mai;

1. Oinsa atu aseguara area fronteira liu husi dalan kooperasau bilateral entre estadu rua RDTL-RI?
2. Presija halo sosializasaun husi Polisia UPF ba iha populasaun sira hela besik fronteira?
3. Kolaborasau no koordenasau servisu husi Polisia UPF ho Parseiru servisu sira iha fronteira?

statement badak ida kona ba problema ne'ebé maka hakerek nain atu halo peskiza maka "Oinsa Implementasau

servisu hamutuk kontrola, koordinasaun, no sosializasaun atu minimiza atividade ilegal iha liña fronteira”?

1.4 Objektivu Peskiza.

Haree husi problema sira iha leten, ho núne’e mak hakerek nain hakarak atu deklarata katak objektivu peskiza maka hanesan;

1. Atu buka hatene, Importansia kona-ba servisu hamutuk UPF-

PNTL ho TNI hodi minimiza atividade ilegal iha fronteira.

2. Atu halo analiza, Importansia kona-ba servisu hamutuk UPF-PNTL ho TNI hodi minimiza atividade ilegal iha fronteira.
3. Atu halo deskrisaun, Importansia kona-ba servisu hamutuk UPF-PNTL ho TNI hodi minimiza atividade ilegal iha fronteira.

PARTE II ENKUADRAMENTU

TEÓRIKA

2.1 Teoria kooperasaun internasionál.

Kooperasaun tuir K.J.Holsti (2011:4); iha livru *Kerjasama Internasional*, hateten katak, núdaar ema umanu moris iha mundu konserteza ba iha nesesidade ne’ebé maka sei la atinji mesak, sira iha dependensia ba malu, ajuda malu no iha asaun servisu hodi atinji nesesidade hamutuk.

Entretantu Tuir Pamudji (2011:18); iha livru *Kerjasama Internasional*, kooperasaun maka servisu ne’ebé halao husi ema nain rua ka liu ho interasaun entre individu atu servisu to’o atinji nia

objektivu neebe dinámiku. Iha nia hanoin katak elementu prinsipál servisu hamutuk iha tolu iha individu individu, iha interasun, iha objektivu ne’ebé hanesan.

Husi matenek nain sira nia hanoin kona-ba kooperasaun ne’ebé mensiona iha leten, maka hakerek nain hakarak fo rezumu badak katak kooperasaun nu’udar parte ka prosesu ida ne’ebé maka importante tebes atu ema bele halao ka implementa iha sira nia moris hodi bele fó tulun ba malu atu bele fó satisfasaun ba sira nia nesesidade moris loron-loron hodi atinji nia objektivu.

2.1.2 Prinsipiu Sira iha kooperasaun.

Kooperasaun entre nasaun la bele muda sai hanesan kooperasaun rejime, imperialismu, ka koloniál. Maka konvensaun wina 1969 hatur ona iha prinsipiu kooperasaun ho karakter universál hanesan:

- a. Fó benefisiu ba malu (*mutual benefit*) prinsipiu servisu hamutuk ida ne'e importante tebes atu lori vantajem ka impaktu positivu ne'ebé maka hanesan ba parte rua ka liu maka kooperasaun ne'e hanaran eksploitasaun husi parte ida ba parte seluk.
- b. Respeitu malu (*mutual respect*), prinsipiu kooperasaun ne'e hanesan meius atu prevene parte sira ne'ebé maka involve iha kooperasaun servisu hamutuk atu respeitu soberania nasaun idak idak nian.

- c. Supórta malu (*mutual support*), prinsipiu servisu hamutuk ida ne'e katak atu hametin liu tan relasaun entre parte sira ne'ebé involve iha kooperasun nota de entendementu, sekarik iha parte balu hasoru ho parte seluk (ida ne'ebé la involve iha nota de entendementu ka servisu hamutuk).

- d. Laiha Intervensaun ba iha interese ida-idak nian (*non-interference*), prinsipiu ida ne'e importante tebes, alénde preve parte seluk, iha mós prevensaun atu relasaun servisu entre parte ne'ebé maka relevante sei la bele kolóniáliza interese ka relasaun imperialistika.

2.1.3 Kooperasaun Bilateral.

Kooperasaun Bilateral hanesan Típu ida iha kooperasaun Internasionál Rosen iha keban (1990:11), Iha

prinsípiu bilaterál katak, kooperasaun ne'ebé maka nasaun rua, kooperasaun ida ne'e normálmente réaliza ho típu diplomasia. Reálmente kooperasaun ne'e halao entre nasaun, nasaun sira ne'ebé iha nia faktóres oin-oin hodi influensia nasaun ne'e rasik. Kooperasaun ne'e réaliza iha kontéks oi-oin ne'ebé diferensia dala barak relasaun kooperasun no asaun ne'ebé hala'o entre Governu husi nasaun rua ne'ebé iha interese no hasoru problema ne'ebé hanesan.

2.2 Teoria Movimentasaun Populasaun.

Tuir Munir (2010) migrasaun hanesan movimentasaun populasaun ho objetivu atu hela metin husi fatin ida ba fatin seluk hakat liu fronteira politika-mente ka hakat liu ba nasaun ka hakat liu fronteira administrativu nomós hakat liu zona fronteira iha nasaun ida nia

laran. Migrasaun bain-bain ho signifika hanesan movimentasaun ne'ebé relativu permanente husi nasaun ba nasaun ida.

Movimentu populasaun bele fó definisaun hanesan movimentasaun populasaun husi area ida ba fali area seluk, atu kompletu liu tan, migrasaun katak movimentasaun populasaun husi fatin ida ba fatin seluk iha lokálizasaun geografikamente ne'ebé lahanesan ho objetivu atu hela metin.

2.2.1 Migrasaun Internasionál;

Katak Movimentu Populasaun entre Nasaun ida ho Nasaun seluk, Movimentu Populasaun internasionál iha oin tolu hanesan populasaun husi rai liur tama mai iha Nasaun laran (imigrasaun), Movimentasaun populasaun husi Nasaun ida nia laran ba nasaun seluk (emigrasaun), movimentasaun Populasaun husi nasaun ida fila ba nia Nasaun rasik

(remigrasaun/ repatriasaun)

remigrasaun babain ema bolu ho fila ba rai moris fatin.

2.3 Teoria Ekonomía.

Tuir B. N Marbun, (2007:131); Definisau ekonomía iha rua; 1. siensia ne'ebé estuda ita ema nia ambisaun to'o atinji prosperidade hodi hetan satisfasaun atu priense nesesidade hotu nia laran, 2. Siensia kona-ba fundamentu produsaun, distribuisaun, no uza sasan sira nomós rikusoin (exemplu hanesan finansas, industria no seluk tan).

Liafuan ekonomía husi lian gregu dehan *oikos i nomos* ne'ebé signifika Familia uma kain no regulamentu, regra, ka lei. ho nune'e ekonomía signifika katak regra uma kain ka manajementu uma kain uza konséptu ekonomía no dadus iha servisu nia laran.

2.4 Teoria Kultura

Tuir C. Cluckhohn dan W.H. Kelly, (1994:15); kultura maka padraun moris ne'ebé kria iha ístoria hanesan eksplisit, implisit, rasionál, irasionál, no nonrasionál ne'e hetan iha kada tempu hanesan mata dalan ne'ebé poténsiál ba lala'ok ema nian.

Kultura hanesan lala'ok ka abitu ita ema nian ne'ebé iha esperiensa hahu husi moris mai, nune'e husi ambitu kultura ne'e maneira hatun husi jersaun, ema sempre hanoin katak kultura ne'e labele hafahe husi ita ema, tamba kultura hanesan hahalok ne'ebé hodi hakesi ema ida no ho ema seluk atu kuñese malu.

2.5 Teoria Komunikaun.

Barnlund nia hanoin iha Bower no Bradac, (1982:3); dehan komunikaun hanesan imajinasaun

ne'ebé mosu husi hahalok entre parte rua, realasaun parte sira maka halo interasaun hanesan unidade kiik iha analiza nia laran, hodi fó konkluzau komunikaun maka prosesu dinámika iha interasaun entre ema ida ho ema seluk iha natureza ida nia laran.

Komunikaun hanesan hato'o informasaun ka muda informasaun husi ema ida ba ema seluk, loloos ne'e simples maibe iha réalidade komunikaun fó resultadu problema sira hasoru impesaun ne'ebé fó ba iha prosesu hato'o informasaun.

2.6 Definisau Politika.

Tuir Easton iha Budi Harjo (1992:2,13); ne'ebé fó definisau politika tuir privadu relasiona husi valor oi-oin ba iha comunidade, hanesan tuir mai politika katak husi interasaun sira hotu ne'ebé hadiak no fahe valor tuir

autoridade (husi poder) hodi representa comunidade.

Liafuan politika husi lian Gregu polís katak sidade ka kapital Nasaun husi liafuan ne'e hatun mai sai liafuan polities katak sidadaun nomós politikus katak Sidadania no Governu.

2.7 Teoria Polisíamentu.

Tuir matenek nain Satjipto Rahardjo; (2009;111) Polisía hanesan instrumentu Estadu nian ne'ebé hala'o ordem no seguransa públiku, hodi fó apoiu no fó protesau ba iha comunidade.

Em prinsipál polisía iha ninia responsabilidade hodi kria no instabilidade seguransa iha comunidade nia leet atu nune'e comunidade bele moris no buka moris ka bele dehan moris iha kondisaun seguru no tránkuilidade.

Misaun Polisía Nasionál Timor-Leste (PNTL) maka forsa seguransa ida ne'ebé atu defende legálide demókratíku hodi garante seguransa ba

PARTE III: MÉTODU PESKIZA

3.1 Típu Peskiza.

M. Ferdiansyah (2015) Métođu peskiza nu'udar maneira ne'ebé peskizdór uza hodi hala.o peskiza atu béle buka hatene no halibur dadu sira ne'ebé ho intensaun atu dezemvolve no ezamána husi Siensia; maka peskizadór utiliza “Métođu Peskiza Kualitativu Deskriptivu”, ho objetivu atu hetan dadu primaria no sekundaria ne'ebé hetan husi respondente no literatura oin-oin, Métođu peskiza kualitativu katak peskizadór buka atu komprende no hatene kona-ba fenómena ka akontesi-mentu ruma ne'ebé iha ema nia moris liu husi invólve direita ka indireita, fenómena ka iha relasaun ho movimentu ilegal iha fronteira hodi halo peskiza ba, métođu deskriptivu sempre ho esforsu hodi deskreve akontesimentu ruma sei la,o hela iha prosesu peskiza nia laran, atu núne'e

sidadaun Timor-Leste no asegura direitu sidadaun tuir kondisaun ne'ebé estabelese ona iha konstituisaun RDTL artigu 147

peskizadór bele halo análiza ba problema refere.

3.2 Fatin Peskiza no Imformadór Xavi.

Relasiona ho topíku ne'ebé maka peskizadór foti, núne'e sei determina fatin peskiza no ho imformante sira, tuir mai;

3.2.1. Fatin Peskiza.

Fatin ne'ebé maka peskizadór atu halo peskiza ba ne'e maka “*Quartel Unidade Patrulhamento de Fronteira*”, lokaliza iha núbadak batugade Munisipiu Bobonaro, Postu administrativu Balibo, Suku Batugade, Aldea Nuubadak, no pontu Entrada Mot-Ain.

3.2.2. Imformadór Xavi.

Atu halo peskiza kona-ba kooperasaun entre UPF-PNTL ho TNI hodi minimiza movimentu ilegal maka informandór savi maka hanesan tuir mai:

1. Komandante UPF-PNTL.

2. Komandante Postu TNI.
3. Alfandega.
4. Xefi Suku Batugade.
5. Komunidade TL/RI.

3.3 Tékniku Rekolla Dadu sira.

Tuir Sugiyono (2011:224-225) ho nia livru ho topíku “*Metode Penelitian Kuantitatif, Kualitatif, dan R&D*” hateten katak tékniku rekolla ka halibur dadu hanesan pasu ne’ebé estratejiku tebes iha peskiza sira tamba objetivu husi peskiza maka atu hetan dadu sira, núne’e Tékniku halibur dadu ho sientífiku ba peskizadór maka hanesan tuir mai;

3.3.1. Observasaun.

Observasaun hanesan etepa primeiru ne’ebé peskizadór utiliza atu halibur dadu, observasaun ba fatin peskiza, Ema no atividade saida maka hala’o loron-loron. Atu núne’e deskreve no formula fenómeno ho problema ne’ebé maka ligadu ho topíku ne’ebé peskizadór foti,

3.3.2 Entrevista.

Intervista ne’e hanesan metodolojía halibur dadu ho modelu husu no hatan direktamente entre peskizadór ho respondénsia ka situs peskiza iha fatin peskiza nian. tékniku

halibur dadu ne’e uza hodi implementa hanesan estudu ida hodi hetan psproblema ne’ebé maka tenki halo peskiza ba no buka hatene diak liu tan husi respondente nia resposta ho modelu komunikasaun direktamente. ne’ebé iha kuñesementu kona-ba problema ho topíku ne’ebé identifika ona hodi bele hetan dadu maka klean

3.3.3. Dokumentasaun.

Dokumentasaun maka hanesan tékniku ida ne’ebé hala’o husi peskizadór iha fatin peskiza, liu husi dadu sira ne’ebé hakerek nain utiliza hodi halibur dokumentu sira ne’ebé arkivu tia ona maka hanesan dokumentu, livru mutasaun, *website internet* ne’ebé relasiona ho problema sira maka atu halo peskiza ba.

3.4 Instrumentu Peskiza.


Tuir M. Ferdiansyah (2015;2) dehan nune’e; iha peskiza kualitativu peskizadór sai hanesan instrumentu savi (*key instrument*) Instrumentu primeiru ba iha peskiza ne’e maka peskizadór rasik, tamba peskizadór maka hatene prosesu hotu-hotu iha peskiza nia laran, no instrumentu seluk ne’ebé maka sei ajuda perkizadór hodi halo peskiza maka ekipamentus ka

materiál hanesan; Surat tahan (HvS), Notebook, Lapizeira no Kamera Digitál ka Telefoni android, no seluk tan ho instrument sira ne'e peskizadór sei utiliza hodi hala,o peskiza atu hetan saida maka peskizadór nia hakarak.

3.5 Tékniku Análiza Dadu Sira.

Husi Milles Huberman iha livru Sugiyono; (2011:247) ho modelu interaktivu ne'ebé ho argumentu fundamentu simplés hanesan tuir mai ne'e.

Dezenu; Tékniku análiza dadu modelu interaktivu tuir Milles ho Huberman (2011;247).



Esplikasaun;

1. Halibur dadu sira (*Data Colection*) katak; halibur dadu hotu-hotu husi fatin peskiza ho téknika ka metodu entrevista, dokumentasaun, no husi dadu sira ne'ebé halibur barak mak hanesan tuir mai peskizadór presiza atu halo redusaun ba dadu sira ne'ebé halibur hamutuk ona.
2. Redusaun dadu sira (*Data Reduction*); peskizadór defini didiak ba dadu sira ne'ebé halibur ona no halo redusaun ba dadu sira ne'ebé hanesan no balun presiza hakerek ho estruturadu ho kuidadu nomós fokus ba iha asuntu sira maka
- liga ho peskizadór ninia titulu peskiza.
3. Apresentasaun dadu sira (*Data Display*); hanesan depois halo redusaun ba dadu sira ka imformasaun ne'ebé halibur ona, haree ba análiza dadu peskizadór bele hatene saida maka akontese, no saida maka tenki halo, hodi análiza no foti medidas hodi prosesu atu bele apresenta dadu sira ne'e, no tuir mai foti konkluziun.
4. Konkluziun ka verifikasaun dadu sira (*Data conclusion/ Verification*); katak peskizadór sei halo konkluziun ba dadu sira ne'ebé hsalibur hamutuk husi primeiru to'o ramata

PARTE IV REZULTADU PESKIZA NO DISKUSAUN

4.1 Deskrisaun Jerál ba Fatin Peskiza.

Bazeia ba Topiku ne'ebé maka peskizadór foti nune'e peskizadór halo peskiza iha Fronteira Batugade Timor-Leste ho Indonézia, fatin Quartel Unidade Patrulhamento Fronteira (UPF) no pontu Entrada Mota-ain, Quartel Unidade Patrulhamento Fronteira, nu'udar Komando UPF-PNTL lokalizadu iha area administrativu Munisipiu Bobonaro, no UPF maka Unidade PNTL nia ida ne'ebe responsabiliza hodi asegura fronteira territoriu nasionál Republika Demokratiku de Timor-Leste (RDTL), ho Sistema servisu estatika (rotasaun halao tuir nesesidade servisu deit). Ho nia grid referensia GR 178104, Komando UPF-PNTL kompostu husi Companhia tolu (3) no postu fronteira sira hamutuk Ruanulu resin walu (28) no postu foun hamutuk Ruanulu resin hitu (27) total postu hamutuk Limanulu resin lima (55); Pontu Entrada Mota-ain hanesan postu integradu ida iha Companhia alfa Maliana.

4.1.1 Istoría UPF-PNTL.

Polísia Nasionál Timor-Leste harii iha 27-marsu-2000 hanesan Instituisaun Úniku ne'ebé mak tuir Lei Inan Konstituisaun da Repúblika Demokratika art.º147, hateten atu defende legalidade demokrátiku no garante sidadaun sira nia seguransa no Bens, halo prevensaun krimínal mais tenke hala'o ho respeito ba direitos humanus, ne,e hanesan doutrina ba membros PNTL tomak ne'ebé hola parte iha Instituisaun PNTL tenke obedese no pratika iha sira nia vida tomak durante serve Povu no Rai doben Timor-Leste, Dekretu Lei n.º44/2020, art 2 Regulamentu Disciplinar da PNTL, sei sujeitu ba prosesu investigasaun Dissiplinar; iha loron 30-setembru-2003 ezistencia no kompetensia atu halao seguransa iha liña Fronteira terestre entre Timor-Leste no Indonesia, nune'e Governu Timor-Leste liu husi Instituisaun Polísia Nasionál Timor-Leste Estabelese Unidade Patrulhamento Fronteira (UPF), Lei Organika PNTL, Art.º33, husi Dekretu Lei nú. 9/2009, 18-fevereiru, atu garante seguransa iha liña Fronteira Terestre entre

nasaun Indonézia ho Timor-Leste ida ne'ebé maka seguru no haríi postus Polísia iha liña Fronteita entre nasaun rua, postu sira ne'ebé maka haríi tiha ona no balun foin mak haríi hodi destaka membru sira UPF-PNTL atu halo seguransa hodi kontrola movimentu ema no sasan tama e sai husi Teritoriu Timor Leste.

4.1.3 Vizaun no Misaun UPF-PNTL

- a) Hala'o patrullamentu no vijilansia iha Fronteira teritoriu sira, no iha koordenasau no kooperasaun ho parte interesada sira seluk espesialmente ho F-FDTL. Kontrola movimentu ema no sasan sira iha fronteira territorial ho koordensau no kooperasaun ho servisu Imigrasaun no Alfândega,
- b) atu koopera ho autoridade administrativu relevante sira seluk tuir legislasau fiskál, aduaneiru no sanitaria atu aplika lei sira relaciona ho trafiku umanu, trafiku droga ilegal, trafiku kilat no atividade kriminál organizadu sira seluk.

- c) Fo seguransa iha aeroportu hodi halao patrulla haleu pista, terminal no aeroportu ho kooperasaun hamutuk ho parte interesada sira seluk no knaar legitimu sira seluk tuir nia misaun,

4.2. Apzetasaun dadu

4.1.4 Tuir Komandante UPF-PNTL,

Superintendente policia Euclides Belo, iha Quartel UPF Batugade hateten katak Timor-Leste ho Indonézia ne'e iha Rai ida deit maka fahe ba parte fronteira iha mapa Timor parte Leste no RAEOA ho Indonezia, no hare iha ita nia nasaun equipamentu fasilidade laadekuadu no rekursus ne'ebe lasuficiente hodi kontrolu movimentu ilegal iha teritoriu nasional no hare ba faktus sira maka tama ho dalan ilegal ne'ebé mak balu ho objetivu atu ba halo lisan ka ba visita familia faktus ne'e realidade sidadaun sira hela iha fronteira kuaze mesak familia deit

Tenik komandante UPF-PNTL Hanesan agente seguransa estrategia hodi prevene movimentu ilegal maka presija atu governu

umenta rekursu umanu no Sistema facilidade sira ne'ebé modernu hodi uza iha liña fronteira, hodi kontrola ba movimentu ilegal ne'ebé maka tama no sai iha territoriu nasionál,

Servisu hamutuk entre UPF ho parseiru sira iha liña fronteira koordenasaun ne'ebé maka Komandu UPF-PNTL hala'ó hodi asegura siguransa ba ema no sasan e riku-soin iha liña fronteira maka hanesan:

a. Koordenasaun Parte Internál

Komandu UPF-PNTL kompostu husi Kompañia tolu no postu UPF iha liña Fronteira hotu-hotu iha ligasaun no koordenasaun diak ho autoridade lokál, lideransa komunitaria, F-FDTL, inklui comunidade ne'ebé hela besik Fronteira ne'e diak no familiar, liu-liu ho parseiru ligasaun servisu integradu maka hanesan : Dirasaun Imigrasaun, Dirasaun Alfândenga, Dirasaun Quarantina, Transportes, no Dirasaun Saude.

b. Koordenasaun Eksternal

Sempre halo koordensaun ho TNI Satgas Pamtas RI-RDTL ne'ebé kolokadu iha teritoriu Fronteira terrestre tomak sempre halo

koordinasaun servisu no patrolla konjuntu nomós kria relasaun entre comunidade no forsa siguransa Nasaun rua to'ó agora sei la'ó normál no kontroladu. Aleinde ne'e koordenasaun ho instituisaun seluk ne'ebé relevante ho sira nia kna'ar iha Fronteira durante ne'e sei la'ó diak hela liu-liu Dirasaun Imigrasaun Indonézia nian, Dirasaun Alfândenga (Beacukai), Dirasaun Quarantina, Brimob, Post POLRI no seluk-seluk ne'ebé iha relasaun servisu. (Data 04-11-2022 Loron Sesta-Feira oras tuku 11:35 Otl. iha Quartel Unidade Patrullamento Fronteira Batugade).

4.1.5 Tuir Senior Wadan Post Damar Silawan

Sersan dua Bonafacio Paiba, hanesan segundu komandante postu Damar husi satuan tugas pengamanan perbatasan Tentara nasional Indonesia (satgas Pamtas TNI) batalyon raider khusus samodok yonit 744; dehan nune'e agar hubungan antara TNI dengan UPF mempererat harmonis dan tetap berkoordinasi dan kerjasama untuk menjamin keamanan di tapal batas RI-RDTL dan juga

untuk mencegah terjadinya kasus penyelundupan barang di garis perbatasan serta berbagai tindakan ilegal, karena masyarakat yang tinggal di perbatasan memiliki kesamaan kultur dan budaya, untuk itu kegiatan kerjasama akan terus dilakukan, serta contoh bagi negara lain. Kondisi sekarang keamanan di perbatasan kedua negara Indonesia dengan Timor-Leste sangat aman dan terkendali karena warganya masih serumpun, sehingga masing-masing warga dapat melakukan kegiatan harian secara normal. (Data 04-11-2022, lora sexta feira oras tuku 17:15 Otl. Iha post TNI Damar silawan)

4.2.3 Husi autoridade aduaneiru

Sr. Januario Martins nu'udar xefe em-exercicio iha postu motaain hateten nune'e autoridade aduaneiru (Alfândega) hala'o servisu bazeia ba kodigu aduaneiru, Lei nu. 14 tinan 2017 ne'ebé hateten katak area kontrolu aduaneiru maka teritoriu Timor husi parte fronteira raimaran, tasi, no aero kontrolu sasan ne'ebé tama no sai hodi rekolla taxa ba Estadu, iha postu mota-ain ami

servisu integradu katak husi parte ka instituisan hotu sempre halo kooperasaun diak ho nune'e mós iha postu sira seluk. (Data 9-11-2022, lora quarta feira oras tuku 10:35 Otl. Iha postu Mota-ain)

4.2.4 Husi autoridade lokál,

Sr. Januario Moises hanesan xefe suku batugade hateten katak suku batugade hanesan odamatan boot iha liña fronteira, ba ita nia Estadu atu prepara kondisaun ida ne'ebé dignu ba sidadaun sira maka besik fronteira fasilita neseseidade no fó apoiu ba comunidade atu nune'e bele hamenus ka minimiza movimentu ilegál ne'e, husu Estadu harii merkadu tradisionál iha suku laran atu nune'e bele fó vantagem ba comunidade hodi hetan rendimentu atu béle hatutan sira nia moris iha liña fronteira ida ne'e. hanesan uluk sei uza border pass comunidade sira ba mai liu husi oin, maibe borderpass ne'e agora paradu selao ka reativa fila fali parese atividade hanesan ilegal ne'e ita bele sura ho liman fuan ka menus liu tamba comunidade bele asesu ho dokumentu hanesan borderpass ne'e trata laho prosesu

ne'ebé naruk no lapresija nia kustu, fasil halo tratamentu comunidade barak bele asesu.

Relasaun servisu autoridade lokál ho parte seguransa iha liña fronteira durante ne'e servisu hamutuk iha liña koordinasaun ne'ebé di'ak sempre halo koordenasaun no fó informasaun ba autoridade lokál,

Nuudar xefe suku sempre fó atensaun ba comunidade sira fahe informasaun ba sira atu bele ajuda ita nia seguransa sira no labele halo movimentu ilegal ne'e hamenus, objetivu ba halo saida tamba comunidade sira iha fronteira ne'e sei iha relasaun familia ho comunidade balun iha Indonézia, no tenki justifika lolos ba autoridade seguransa no lori saida ida ne'e hanesan liña koordenasaun ne'ebé maka ami hala,o durante ne'e iha suku maka besik fronteira.(data 31-outobru-2022, loron segunda feira oras tuku 09:20 Otl iha sede suku Batugade).

4.2.5 Husi comunidade Timor-leste/ Indonézia;

Iha loron quarta-feira, data 9-novembru-2022 dadersan oras tuku

06:20 otl. husi servisu sekreta unidade patrullhamento fronteira nian consege kaptura sidadaun nain rua, (feto ida mane ida) iha tcl area tali-laran, nainrua ne'e mane sidadaun Timor no feto sidadaun Indonézia sira nia movimentu objetivu ketak-ketak. Sira ne'e maka hanesan;

Sidadaun Timor (mane) naran Nandino Maubuti idade 38 hela iha budin aldeia batugade suku Batugade dehan; hau ba hasoru hau nia rian sira iha Fronteira hodi simu sasan hanesan mina gazoel 20 litru atu uza ba hodi fila rai.

Sidadaun Indonézia (feto) naran Marcelina Abu Loe Borges 47 hela iha Lakafehan Atambua Indonézia, origem husi kailaku dehan hau hola mane ema maukatar fulan fehan, uluk ami hela iha kailaku iha 1999 mak ami halai ba Atambua hodi hela iha ne'eba, maibe hau nia oan sira balu hola mane Likisa no balu hola feto iha Balibo Leolima, tamba foin lalais iha 27-outubru-2022 tama mai halo lia adat iha kailaku no lia mate iha Likisa. (Data, 9-11-2022,

loron kuarta feira oras tuku 08:35 Otl.
Iha Quartel UPF Nubadak, Batugade)

4.3 Analiza no interpretasaun dadu.

Relasiona ho dadu sira ne'ebé peskizadór rekolla ona katak movimentu ilegal ne'e akontese tamba hare ba geografikamente Timor-Leste ho Indonézia fahe iha illa Timor maka fahe ba parte lorosae baliza ho loromonu no Oe-cusse iha parte loromonu nia leet, tuir mapamentu ita nia fronteira baliza liu husi natureza rai nian hanesan husi mota kiikoan ba mota boot no ai laran tuan , foho, no balu hare lutu toos nian iha mós balu hare deit Estrada, ho nune'e maka movimentu ilegal ne'e akontese barak liu iha fronteira rai maran no ho objetivu ne'ebé lahanesan balu tama no sai tamba kultura ka lia adat, balu tama no sai halo negosiasaun tamba nesesidade ekonomia uma laran maka obriga sira tenki hala,o atividade ida ne'e , nomós balu tama no sai visita familia. Ita hatene katak iha pasadu Timor-Leste sidadaun barak maka halai ba hela permanente iha Timor osidental ho nune'e maka movimentu ilegal

ne'e sei iha maske minim tamba sidadaun barak maka uza ona passaporte.

Kooperasaun tuir K.J.Holsti (2011:4); iha livru *kerjasama Internasional*, hateten katak, núdaar ema umanu moris iha mundu konserteza ba iha nesesidade ne'ebé maka sei la atinji mesak, sira iha dependensia ba malu, ajuda malu no iha asaun servisu hodi atinji nesesidade hamutuk.

Husi kooperasaun entre instituisaun rua ne'e iha area seguransa fronteira entre Polisia Unidade Patrulhamento Fronteira ho Tentara Nasionál Indonézia hala,o servisu hamutuk atu bele kontrola movimentu ilegal iha liña fronteira area mota-ain nian, servisu hamutuk durante tinan naruk ona maibe movimentasaun populasaun nian sei iha nafatin tamba comunidade ne'ebé hela besik fronteira sei iha relasaun familia ba mai nomós atu halo kompleta sira nia nesesidade moris lor-loron nian tan deit kondisaun hela iha fronteira ne'ebé mak moris seidauk diak ka dignu. Tan ne'e husu ba Estadu atu tau atensaun ba

sidadaun sira nia nesesidade halo kompletu hanesan infraestruturá Estrada, eletrisidade no bee mós.

Tuir Munir (2010) migrasaun hanesan movimentasaun populasaun ho objetivu atu hela metin husi fatin ida ba fatin seluk hakat liu fronteira politikamente ka hakat liu ba nasaun ka hakat liu fronteira administrativu nomós hakat liu zona fronteira iha nasaun ida nia laran. Migrasaun bain-bain ho signifika hanesan movimentasaun ne'ebé relativu permanente husi nasaun ba nasaun ida. Movimentu populasaun bele fó

PARTE V: LIA MAK -TAKA

5.1 Konkluzáun

Relasiona ho analiza no interpretasaun dadu sira ne'ebé maka iha leten peskizadór hakarak halo konkluzáun katak movimentu ilegal ne'ebé tama no sai ho objetivu maka lahanesan balu mai ho objetivu kultura nian lia mate ka lia moris no balu mai ho objetivu atu halo negosiasaun, tamba sira la ho dokumentu legal, hare ba geografikamente fronteira entre Timor-Leste ho Indonézia iha rai ida deit maka fahe ho natureza rai nian

definisaun hanesan movimentasaun populasaun husi area ida ba fali area seluk, atu kompletu liu tan, migrasaun katak movimentasaun populasaun husi fatin ida ba fatin seluk iha lokálizasaun geografikamente ne'ebé lahanesan ho objetivu atu hela metin.

Ho problema sira ne'e maka instituisaun husi rai rua, Polísia Unidade Patrulhamento Fronteiriara ho Tentara Nasionál Indonézia servisu hamutuk hodi minimiza movimentu ilegal entre nasaun rua ne'e atu bele kontrolu idak-idak nia territoriu nasional

hanesan baliza mota, lutu toos nian, Estrada , no foho ai-laran, ita nia seguransa Unidade Patrulhamento Fronteira (UPF) harií posto la kobre hotu nomós fasilidade ne'ebé maka uza menus destakamentu ba membru la adekuaadu ho ne'e maka movimentu ilegal husi tinan ba tinan sei iha nafatin maske ho volume ne'ebé maka kiik.

Husi dezafiu sira ne'ebé maka ita presija halo liña koordensaun ne'ebé di'ak entre parseiru servisu sira iha liña fronteira hodi responde ba atividade

sira ne'ebé sem kuñesimentu husi autoridade seguransa, béle fó edukasaun no fahe informasaun ba sidadaun sira ne'ebé nafatin halo movimentsaun latuir dalan legal no la 5.2 Rekomendasaun.

Bazeia ba konklusaun iha leten peskizadór hakarak rekomenda ba.;

1. Ba Governu ka Estadu Timor-Leste, presija aumenta tan rekursu humanu ba Unidade Patrulhamento Fronteira, atu bele kobre hotu ba postu ne'ebe harií ona; prepara dokumentu sira hanesan pasaporte ka borderpass ba comunidade sira ne'ebé maka hela besik liña
3. Ba unidade patrullamentu fronteira tenki servisu maka'as halo koordensasaun ho parseiru sira kaer liman metin hodi hala'o misaun UPF nian maske ho numeru polisimentu ne'ebé naton ida ne'e la'os difikulta tamba ita maka nuudar autoridade seguransa iha liña fronteira.

kumpri lei servisu migrasaun nian ne'ebé hatur iha lei nu. 11/2017. 24 fulan maiu katak ba migrasaun ilegal sira iha artigu 84.

fronteira liu-liu suku sira ne'ebé maka baliza direita ho nasaun vizinu, no hadia infraestrutura sira iha baze ne'ebé besik liña fronteira, nomós facilidade sira ba autoridade servisu integradu nian.

2. Ba autoridade lokál atu trata ita nia comunidade sira ho justu, fahe informasaun sira relasiona ho kazu ilegal nian atu ba mai uza dokumentu legal.

BIBLIOGRAFIA

LIVRU IMPRIDU

- Astuti Samotir (2015) iha livru peranan prinsip kerjasama Grice dalam Interaksi tawar menawar, Universitas Indraprasta PGRI. Hal.15
- B.N Marbun, (2007) iha buku ekonomia penerbit pustaka harapan jakarta.
- Cluckhoh ho Kelly (1994) iha buku Antropoligi, penerbit PT paleban surabaya hal. 15
- Eko Harry Sutanto Komunikasi politik pesan kepemimpinan dan khalayak (hal 22-23) media penerbit mitra wacana 2013.
- Ferdiansyah, M. 2015, Dasar penelitian Kualitatif, Bogor; Herya media Hal.1,2,5, dan 69.
- Holsti, K. J. 2011. Hal. 11, Haktuir Marinho lay iha Modulu mata kuliah Kerjasama Internasional. Universidade da Paz Dili Timor-Leste. Pájina 2. 2019.
- Iswara 1992, pengantar ilmu politik, penerbit bina cipta Yogyakarta Indonesia hal. 2 dan 13.
- Joko Suyanto, Gender dan Sosialisasi, Jakarta: Nobel Edumedia, Hal. 13.
- Konstituisaun Repúblika Demokratíka Timor-Leste (RDTL) 22 marsu 2002, Assembleia Konstituante.
- Mata-dalan Hakerek Proposta Peskiza no Monografia QADP-3123.2022.
- Michael Hass. 2000. Hal. 10, Haktuir Marinho Lay iha Modulu *Mata Kuliah Kerjasama Internasional*. Universidade da Paz. Dili Timor-Leste. 2019.
- Modulu materia Dalen Tetun Relasaun Internasionál haktuir mestri Duarte Bragança, L.Ed., M.AP, Relasaun Internasionál semester II, Universidade da Paz, 2019.
- Modulu materia Komflitu no Movimentu Populasaun Internasionál haktuir mestri Vasco dos Santos, S.Sos.,M.AP. Relasaun Internasionál semester V, Universidade da Paz 2021.
- Modulu Metodolojia Peskiza Kualitativu Haktuir mestri Pdt.samuel Carlos Ribeiro,STh.,M.AP. semester VI, Universidade da Paz 2021.
- Milles ho Huberman liu husi Livru Sugiyono (2011;246-252), kona-ba Téknika Analiza Dadu modellu interaktivu.
- Pamudji. 2011. Haktuir Marinho Lay iha modulu *Mata kuliah Kerjasama Internasional*. Universidade da Paz Dili Timor-Leste. Pájina 2,2019.
- Rosen iha keban 1990, hal. 11; haktuir Marinho lay iha modulu *mata kuliah Kerjasama Internasional*. Universidade da Paz Dili Timor-Leste. Pájina 1-2,2019.
- Sugiyono 2011, iha nia Livru *Metode Penelitian Kuantitatif, Kualitatif, dan R&D Bandung* penerbit alfabeta catatn ke-10, hal. 240-252.

WEBSITE/INTERNET

- <http://kbbi.web.id> Sosialisasi di unduh Padatanggal 10 april 2021.
- <https://kupang.tribunnews.com> kolaborasi TNI dan UPF di lapangan penulis Teni Jenahas 24/April/2018.
- <https://m.rri.co.id> TNI dan UPF Timor-Leste Bangun sinergitas kawal Perbatasan July 03 2022.
- <https://www.antaranews.com> kerjasama UPF dan TNI mei 27,2022
- <https://www.hatutan.com> UPF dan TNI perkuat Hubungan harmonis di Batas penulis Francisco Belo Simões, mei 24 ,2022.
- [Lei Organika PNTL 2009 Tetun. pdf](#)